


¡BAKARRIK!



(NERE ADISKIDE MAITE FRANZISKO LOPEZ ETA ALEN JAUNA-RI)

Mundutik iges, bide
 Bazterrera noa,
 Nonbait arkitu nairik
 Atsedean gozoa,
 Jend' artean alferrik
 Billatutakoa,
 Arkitu gabe baizik
 Atsegiñ eroa.

Triste dago Zerua
 Dena goibeldurik:
 Eguzkia gorde da
 Odeiz estalirik:
 Lur igarrak ez digu
 Azaltzen galarik,
 Ez lore ta ez ostoa,
 Ez kantu gozorik.

Ala, nere barrena
 Det nik begiratzen,
 Biotzean osoro
 Zentzuak gordetzen:
 Malkoak isuriaz,
 Tristuran gozatzen,
 Jaunarekiñ, bakarrik,
 Itz gabe, mintzatzen.

KARMELO ECHEGARAY-KOAK.

